

STRENA KAL.
IANVAR.

CIDIO CXVI.

10/10.6.8

AD ILLVSTRISS. VI-

RVM. DN. IACOBVM HAYVM
DOMINVM AC BARONEM
DE SALEY,

REGI A SACRATORI PUR-
PVRA, ET PROTOVESTIA-
RIVM, communem literatorum
Mecanatem.

THOMA DEMPSTERO I.C. *k*
Historico Regio Authore.



LONDINI
Excudebat IOHANNES
BILLIVS. 1616.





ST. RUTH'S



ST. RUTH'S
LONDON
1810

STRENA KAL. I A N V A R.

CIO IO CXVI.

Stato recurſu temporis feſti, dicant
Tibi Camænæ munus, atque vltro tuum
Rogant fauorem, fama nam te vnum canit
Et literati prædicant charum ſibi,
Natum benigno fidere vt Muſas iuues.
Apollo meritum laudati, & grates agit

Inſigne munus ſæpe quod tribuas ſuis,
Atque in ſupremo ſortis humanæ ſtatu,
Cum rege ſolo ſis minor, animum geras
Opes ſupra, miratur, & proſperrimo
Bene apprecatus, te ſalutat omine:
Omnique Pindi delicias ſoli tibi

Hoc munere offert, quem facit ſeries patrum
Avique clari nobilem, atque hoſtis graui
Ivgō repulſus, longa progenies quidem
Ortu decoro ſanguinis, dum a patria

Barbara recedit natio, & campo fugax
Abit cruento, nobilis ſed tu magis
Regi probaſti, & ciuibus cunctis fidem.
O! te fauente liceat abiſſe hoc ſolo.
Non vlla tanto munere, vt viuam, imparem,
Iani nec immemorem huius efficiet dies.

ST. JAMES A. M. 1875

DIVINATIO.

AD AVGVSTISS. POTENTISS.

R E G E M.

ERgone damnatis ego sidera versa querelis
 Exagito? voti que reus ter furda laceffo
 Numina? nec patrio dudum exaudita Tonanti
 V O T A, preces que mea? dum sexta recolligit ignes
 Cynthia, me fors frustratis ambagibus actum
 Distinet à studijs, & spe blanditur inerti,
 Et famæ illudit. Quæ trux iniuria dirum
 Præstitit officium? cur Regis versa voluntas
 Tam subito casu, sperataque gratia fluxit,
 Et prope destituit? Thema an genitabilis horæ
 Obstetit, inscripto facies & dissona cælo,
 Lumine num stellæ natum videre maligno?
 Sed mihi Mars, sed Mercurius, sed Iupiter ore
 Regali, charum promittit regibus ortum,
 Nascentiq; fauens, spatiosum circinat orbem.

Carminè an offensa est, & sunt hæc vestra sorores
 Crimina Pierides, quas falsa intexere chartis
 Non pudit, mentituris & inania biblis
 Condere? Ter magni sed vera encomia regis
 Pagina nostra habuit, nulliq; obnoxia fucò
 Nomina, quæ poterunt seri laudare nepotes,
 Quæ frustra attentat liuor furialibus ausis,
 More gygantæo temerans cælestia linguis.

Principis anne animus Musis auersus, & illa
 Sordet honorato quæ splendet Apolline turma,
 Nullaq; virtuti statuuntur præmia digna,

D I V I N A T I O .

Calcataq; iacent nullis & honoribus artes
Vindicæ quæ fœuere illo caput ante leuare?
Vnica at à cunis cura est coluisse camænas,
Et quicumque sacro delibat fonte liquorem
Virgineum, aur casta complectitur orgia mente.

At malè displicuit fortasse ignobilis ortus,
Contemptumq; genus, curis regalibus impar,
Indignumq; legi? Sed enim clarissima gentis
Fax mihi præradiat, titulisque insignis auitis
Tollo caput, patrum generosaq; itemmata iacto,
Queis præfecturæ titulo Buchania pridem
Paruit, & modico quæ surgit Banfia colle,
Notaq; Dempsteris per sæcula Deurona quinque,
Illie ampla domus, turritaq; mœnia pinnis
Stant mihi, & à proauis dimissum stemma, paterni
Hic tituli, & patrio numerosi more clientes.

Forte tenax manus est, & dextera parca monarchæ,
Atque exhausta nouis æraria regia damnis,
Et victus sumptu fiscus? Sed prodiga nulli
Mens magis, electis quippe omnia donat amicis
Verus Alexander, regni contentus honore,
Inque animis hominum veras sibi ponere dudum
Suevit opes : Comites illinc prædiuite censu,
Isthic Barones, quos vexit ad ardua virtus,
Et fauor, hic Equitum fulget longissimus ordo,
Nobiliumque greges alij, donante I A C O B O,
Qui iam diuitias amplas, titulosque decoros
Sortiti, regem largumque bonumque loquuntur.

An studijs nostris tacitum atque ignobile nomen,
Quod rex contemnat, cui multos præferat aula.

DIVINATIO.

Et docti ignorent? Sed me Lutetia clavis
Annumerat, mea Palladiæ sunt nota Tholose
Nomina, me vitreo quæ lucet fonte Nemausus
Osservat, libris Germania, & vtraq; novit
Hesperia, Orchestram quatio seu symmate longo,
Siue stylo heroo chartas implere capaces,
Seu numero traxisse libet grauiore feueros,
Pagina censoris seu poscat adultera virgam,
Quæ male pugnat blattis, Romana vetustas
Reddita splendori prisco me vindice gaudet,
Claudianum, Ælianum, fama; minore Corippum
Qui leget, agnoscat genium. Sed maxime princeps
Num censura tua hæc, NEMO TE DOCTIUS ISTA
SCRIPSERIT, HISTORICI NOSTRI TV NOMEN

HABETO.

Ergo quid auertit sensus, quis nubila menti
Induit, & desperata caligine solem
Obduxit? cum sperarem faustissima, nigro
Turbine conuoluens non læta fronte Tonantem?
Agnosco inuidiæ rabiem, liuoris acerbi
Tela, venenatis medicataq; toxica linguis.
Non video dextram, sed vulnera fortius acta
Sentio, Achillææ ferrum quam cuspidis egit.

Ecce hostile fremens odium, spumante veneno,
Improba dum absentis torreret corpora febris,
Et calor Ætnæo coqueret furiosior antro,
Me male traduxit, simulataq; crimina finxit
Forfitan, vt facilis posset me odisse monarcha:
Sic rosa cantharides inter, sic lilia duris
Surgunt mixta rubis. Sed nil moror ista nocentum
Consilia,

DIVINATIO.

Consilia, & frangi turpe est à sorte maligna.
Altior est mihi mens, supra & ludibria sensus,
Talia nec curat Princeps obiecta libenter,
Forſan venturis olim placatior annis,
Dum Proſagogidæ, dumq; aulica Mvſca faceſſant,
Nec iam opplere velint aures rumore ſiniſtro,
Et mihi honos, & opes, ſtudioſum & nobile nomen,
Dent modò fata dies, venient regione remota,
Et liber calamo campus, quo currere poſſit,
Egregioſq; loqui Reges, exactaq; ſæcla,
Et placido optatam componere ſine ſenectam.

Salve ergo æternum (Princeps Auguſte,) quietus
Et ſœlix regnes, munitus amore tuorum,
Et tua poſſideant non nati ſceptra nepotes,
Imperium latum genti ceſſura Britannæ.

AD ILLVSTREM VIRVM D. RO- BERTVM HAYVM IACOBI FRA- TREM REGI A PVRPVRA.

Quærebam, qui ſubſidium mihi ferret, & aurem
Accommodaret Principis,
Et Pæan, Hayos adeas, par nobile fratrum,
Meo dicatos numini:
Illi alios fouere meos. Tu perge mereri,
Deiq; verba fac rata.
Sic qui homines pridem officio vincere ſolebas,
Iam numen ipſum hoc obliga.

